



РУХАНИ ЦИФРЛАНДЫРУ

Жаһандану жарқылы қарқынды дамып жатқанда, жағада жайғасып отырған жақсы емес. Әр кез заман дамыған сайын, соған сай даму керек және бастапқы қалыпты жоғалтып алмаған дұрыс. Біздің де еліміздегі рухани дүниелер қоғамға сіңісуі үшін заманның ағымымен санаса әрекет жасағанымыз ақталатын іс болып табылады.

Еліміздің еңсесін көтерген Елбасымыз: «Рухани жаңғыру» әр тұлғаны елең еткізбей қоймайтын, алға қарай жылжытып, бәсекелік қабілетін қуаттап, эволюциялық жаңашылдықтарға қадам басуға әсер беруі керек», - деген болатын.

Бұл тарапта біздің М.Өуезов атындағы Оңтүстік Қазақстан университеті, Ақпараттық технологиялар және Энергетика жоғарғы мектебі білімді жастарға әрқашан да ерекше қолдау көрсетіп келеді. Қоғамдық сананы

жаңғыртуға бағыттталып отырған бұл идеяның ұсынылуы уақыт талабы мен ел дамуының тарихи кезеңіне сай, маңызы зор шешім болып отыр. Бұл идеяның үшінші жаңғырудың өзегіне айналуы, елімізге мүлдем жаңаша сипат, тың серпін әкелері анық. Сананы рухани жаңғыртуға бәсекеге қабілетті, білімді елдің ғана шамасы жетеді. Сол себептен Елбасы рухани жаңғырудағы ұлттық сананың рөліне баса назар аударып, бірнеше міндеттерді айқындап берді. Елбасы аталған мақаладан жаңаша бастау алатын «Туған елге» ұласатын «Туған жер» бағдарламасын қолға алуды ұсынып отыр. Ол әрбір азаматты өзінің туған жерінің гүлденуі үшін нақты үлес қосуға үндейді.

Жас буын өкілдері халықтың игі дәстүрінен тәлім алып, елжандылық, патриоттық қасиеттерді бойына сіңіріп өсу үшін нақ осындай бағдардың маңыздылығы зор.

Жаңғырудың жылдамдығын арттыру үшін сұранысқа сай цифрландыру керек. Цифрландырудағы негізгі мақсат – бәсекеге қабілеттілікті арттыру, халықтың өмір сүру сапасын жақсарту, оқу-тәрбие процесін жөделдету және жеңілдету, балаларға, ұстаздарға, ата-аналарға жүктемені азайту. Ең бастысы, білім беру сапасын арттыру. Біздің балаларымыз халықаралық деңгейде өртүрлі салаларда, оның ішінде жасанды интеллект және ауқымды деректер жасау саласында бәсекеге қабілетті болуға тиіс. Мемлекет басшысы атап көрсеткендей, елді цифрландыру – бұл мақсат емес, бұл – Қазақстанның абсолюттік артықшылыққа қол жеткізу құралы. Бүкіл процесс жүйелілікті, реттілікті және кешенді тәсілді талап етеді.

Қоғамның жүйелі қалыптасуы үшін әрбір жан рухани ашқұрсақ болмауы керек. Дамуға ұмтыламын деп тамырының қайда жатқанын ұмытпауы тиіс. Адамдардың бойында автоматты түрде ұлттық кодтар тізбектелуі міндетті. Бұл қасиеттерді оңтайлы механизммен бойға сіңіру үшін заманның қарқынын пайдаланғанымыз абзал. Цифрландыру технологиясы тиімді нәтиже беретінін құлағымыз естіп, көрінісін көзіміз көріп жүргені белгілі. Осындай біртекті әдісті жаңа әлеуметтік кеңістікте, қазақ халқына беретін болсақ, келешекте біз рухани автоматтандырылған, патриоттардан жиналған қоғам туғыза аламыз.

**Жансая АШИРБЕКОВА,
Гүлжадыра Тағай,
М.Өуезов атындағы
Оңтүстік Қазақстан
университеті
Ақпараттық жүйелер және
модельдеу кафедрасының
аға оқытушылары.**